

Ferðir

LAUGARDAGUR 7. APRÍL 2018

Kynningar: Úrvalútsýn, Bed and Breakfast hótél



Birta Dögg stundar nú nám í tölvunarfræði og ferðalögin biða á meðan. MYND/ERNIR

Með ferðabakteríu á háu stigi

Birta Dögg Skaftadóttir var aðeins tvítug að aldri þegar hún hélt í fjögurra mánaða ferðalag til Asíu, Ástralíu og Nýja-Sjálands með viðkomu í Kína. Árið eftir ferðaðist hún með lestum um Evrópu.

Sigríður Inga
Sigurðardóttir

sigriddinga@frettabladid.is



Birta Dögg Skaftadóttir veit fátt skemmtilegra en að ferðast og notar hvert tækifæri til að skoða heiminn. Að loknu stúdentsprófi frá Menntaskólanum í Reykjavík ákvað hún að taka sér frí frá frekara námi og nota tímann til að ferðast.

„Mig langaði til að upplifa eitt-hvað nýtt, kynna nýju fólk og sjá meira af heiminum. Eitt það besta

við að ferðast er að maður eignast góða vini út um allan heim,“ segir Birta brosandi.

„Ég og vinkona mín, Ester Ósk Pálsdóttir, ákváðum að fara saman í heimsreiðu en við vissum ekki alveg hvernig við ættum að snúa okkur í því máli. Við lásum okkur til og spurðumst fyrir hjá vinum og kunningjum sem höfðu farið á framandi slóðir. Við fengum góð ráð um hvað við ættum að taka með okkur og hvernig við gætum undirbúið okkur sem best. Svo höfðum við samband við ferða-

skrifstofuna Kilroy um hvernig við ættum að setja saman ferðina. Þau hjá Kilroy hjálpuðu okkur að panta flugið en í gegnum þau fengum við allar flugferðirnar á góðu verði,“ segir Birta en þær vinkonurnar héldu af stað í febrúar 2015.

Nýja-Sjáland heillaði

Birta og Ester flugu frá Íslandi til Dúbaí og dvöldu þar í nokkra daga en síðan lá leiðin til Nýja-Sjálands sem heillaði þær alveg upp úr skónum. „Við leigðum okkur húsbíl og keyrðum um í tvær vikur

og náðum að skoða marga áhuga-verða staði á þeim tíma. Það sem stóð upp úr á Nýja-Sjálandi var hvað fólk var ótrúlega hjálpsamt og vingjarnlegt. Náttúran er líka alveg einstök, ólík öllu sem ég hef séð áður, og margt hægt að gera sem tengist útivist. Við fórum t.d. í zip-line túr að nóttu til í skóginum fyrir utan bæ sem heitir Roturua og er á Norðurey. Það var mikið frelsi að geta keyrt um og skoðað hvað sem okkur datt í hug. Við fórum m.a. til Auckland, Wellington og Christchurch og skoðuðum líka

litla bæi á leiðinni. Þá er hægt að fara á tókustaði kvikmyndanna Hringadróttinssaga og Hobbitinn, sem er æðislegt fyrir aðdáendur myndanna,“ segir Birta.

„Síðan flugum við til Sydney í Ástralíu en frændfolk Esterar er búsett þar í borg og hún var að hitta þau í fyrsta sinn. Þau tóku afar vel á móti okkur. Eftir fjögurra daga dvöl hjá þeim tókum við rútu sem ók með fram Gold Coast, eða Gullnu ströndinni. Á leiðinni skoð-

Framhald á síðu 2 →

uðum við t.d. Byron Bay og Surfers Paradise þar sem við lærðum að leika okkur á brimbretti. Það var mjög skemmtilegt og mikil upplifun.“

Lærði að kafa

Þær enduðu ferðalagið um Ástralíu í Brisbane áður en þær fóru yfir til Asíu. „Við flugum til Koh Samui og þaðan fórum við til Koh Tao og skráðum okkur í köfunarskóla. Það var mjög gaman en köfun er þó alls ekki fyrir alla. Þegar maður prufar að kafa finnur maður strax hvort þetta hentar manni eða ekki. Okkur var að visu ekki sagt frá því í byrjun en þetta var skemmtileg upplifun og mikil ævintýri að sjá fjölbreytt lífið í sjónum.“

Með viðkomu á eyjunni Koh Phi Phi lá leiðin yfir til Bangkok í Tailandi þar sem Birta og Ester höfðu pantað mánaðarferð um Asíu. „Við fórum í hópferð sem kallast Indókiná-leiðin með ferðaskrifstofu sem heitir G Adventures. Við fórum til Kambódíu, Víetnams og Laos og enduðum aftur í Tailandi. Næst fórum við til Kína og þaðan heim til Íslands.“

Fengu menningarsjokk í Kína

Að sögn Birtu fengu þær Ester svolítið menningarsjokk við að koma til Kína. „Enda er landið allt öðruvísi en við höfum vanist herna á litla Íslandi. Mikill fjöldi fólks er í stórborgunum en við heim-sóttum m.a. Sjanghai, Yichang, Xi'an og Beijing. Við prófuðum tai chi, hjóluðum á borgarmúrnum í Xi'an, skoðuðum Leirherinn og ferðuðumst með næturlestum. Við gengum á Kínamúrnum í Beijing og renndum okkur niður á hálfgerðum sledum sem var mjög skemmtilegt. Kínverskur matur er eitt það besta sem ég fæ og mjög ólíkur því sem ég hef fengið á Íslandi.“

Spurð hvort eitthvað hafi komið upp á í ferðinni segir Birta að í eitt sinn hafi billinn sem þær voru með bílað og flug verið yfirbokað en annars hafi allt gengið að óskum. „Við leystum bara úr því með því að vera sjálfstæðar og fundum út úr máluðum. Við lentum sem betur fer ekki í neinum erfiðum aðstæðum. Við vorum ekki búnar að skipuleggja ferðina frá upphafi til enda heldur

“ Mig langaði til að upplifa eitthvað nýtt, kynnst nýju fólki og sjá meira af heiminum.

létum þetta ráðast. Það eina sem við pöntuðum var flugið og tvær skipulagðar ferðir. Viði gistum ýmist á farfuglaheimilum eða hótélum, eftir efnum og aðstæðum.“

Sterk útþrá

Þegar heim kom fór Birta að vinna við umönnun hjá hjúkrunarheimilinu Ísafold í Garðabæ en útþráin var enn til staðar. „Ég ræð mig því sem au-pair í Lúxemborg og dvaldi þar í hálf ári. Þá kom ég aftur heim og vann á Ísafold til að safna mér fyrir næstu ferð,“ upplýsir hún.

Í það skiptið fór Birta með Kristínu Eddu Kristjánsdóttur, vinu sinni, á Interrail um Evrópu, ferð sem tók einn mánuð. „Við fórum fyrst til Parísar, þaðan til Nice og svo til Milanó. Við vorum við Como-vatn í nokkra daga, skoðuðum Feneýjar og Veróna en fórum svo til München og Prag. Svo fórum við til Króatíu líka en ferðin endaði í Amsterdam. Við höfðum aðeins tvo til þrjá daga á hverjum stað svo við höfðum ekki mikinn tíma til að skoða hvern stað fyrir sig,“ segir Birta en hún var hrifnust af Prag og fannst Króatía fallegasta landið. „Þessi tvö ferðalög voru mjög ólík. Mér finnst Evrópa ekki eins fjölbreytt og framandi og Asia.“

Birta brosir þegar hún er spurð hvað foreldrar hennar segi við öllu þessi flakki. „Þegar ég sagði þeim að mig langaði í heimsreiðu var mamma ekki mjög hrifin en pabbi var rólegri. Þau tóku því svo mjög vel þegar við vorum búnar að skipuleggja og undirbúa ferðina og voru mjög hvetjandi og drógu ekkert úr okkur.“

Birta er nú á öðru ári í tölvunarfræði við Háskóla Íslands og hefur í nógu að snúast í náminu en hún er þó farin að huga að næsta ferðalagi. „Á næsta ári er útskriftarferð á framandi slóðir og það getur vel verið að ég lengi ferðina og taki smá aukaferðalag.“




Í Beijing í Kína.



Þær Birta og Ester lærðu tai chi í Kína og höfðu gaman af.



Hjólað í Kína, við borgarmúrinn í Xi'an.



Birta og Kristín Edda í Feneýjum.



Interrail-ferðin um Evrópu tók einn mánuð. Króatía var það land sem heillaði Birtu mest.

Ertu á leið til heitari landa !



- hnébuxur (bermuda)
- kvartbuxur
- síðbuxur
- margir litir
- stærð 34 - 54

f Kikið á myndir og verð á Facebook

black pepper
FASHION

Laugavegi 178 | Sími 555 1516

Opið: Virkir dagar 11-18 | Laugardagar 11-15

BÓKAÐU SÓL Á UU.IS

MEÐ ÍSLENSKRI
FARARSTJÓRN
SKOÐUNARFERÐIR
Í BOÐI

HÁLFT
FÆÐI

ALBIR 18.–24. MAÍ
★★★★ KAKTUS

VERÐ FRÁ 72.900 KR.

Verð á mann m.v. 2 fullorðna og 2 börn í tvíbýli með HÁLFU FÆÐI.
Verð frá 82.900 kr. á mann m.v. 2 fullorðna.

FJÖL-
SKYLDU-
VÆNT

TENERIFE 22.–29. MAÍ
★★★ PARQUE CRISTOBÁL

VERÐ FRÁ 85.900 KR.

Verð á mann m.v. 3 fullorðna og 2 börn í kid suite.
Verð frá 106.500 kr. á mann m.v. 2 fullorðna.

MALLORCA 26. ÁGÚST – 2. SEPTEMBER
★★★★ FONTANELLAS PLAYA

VERÐ FRÁ 78.900 KR.

Verð á mann m.v. 2 fullorðna og 2 börn í íbúð með 1 svefnherbergjum.
Verð frá 110.900 kr. á mann m.v. 2 fullorðna.



ALMERÍA 31. MAÍ – 7. JÚNÍ

FJÖL-
SKYLDU-
VÆNT ALLT
INNIFALIB

ZORAIDA GARDEN ★★★★★

VERÐ FRÁ 99.900 KR.

Verð á mann m.v. 2 fullorðna og 2 börn í tvíbýli ALLT INNIFALIB.
Verð frá 123.900 kr. á mann m.v. 2 fullorðna.



KANARÍ 5.–12. JÚNÍ

HÁLFT
FÆÐI

IFA BUENAVENTURA ★★★

VERÐ FRÁ 73.900 KR.

Verð á mann m.v. 2 fullorðna og 2 börn í tvíbýli með HÁLFU FÆÐI.
Verð frá 84.900 kr. á mann m.v. 2 fullorðna.



MALLORCA 17.–24. JÚNÍ

LÚXUS ★

FJÖL-
SKYLDU-
VÆNT MORGUN-
VERÐUR

ZAFIRO PALACE PALMANOVA ★★★★★

VERÐ FRÁ 124.900 KR.

Verð á mann m.v. 2 fullorðna og 2 börn í junior svitu með MORGUNVERÐI.
Verð frá 151.900 kr. á mann m.v. 2 fullorðna.



BENIDORM 15.–22. JÚNÍ

ALLT
INNIFALIB AÐEINS
18 ÁRA OG
ELÐRI

SUNCONFORT AGUA AZUL ★★★★★

VERÐ FRÁ 122.900 KR.

Verð á mann m.v. 2 fullorðna í tvíbýli með ALLT INNIFALIB.



TENERIFE 4.–11. JÚLÍ

AÐEINS
18 ÁRA OG
ELÐRI

TIGOTAN ★★★★★

VERÐ FRÁ 136.900 KR.

Verð á mann m.v. 2 fullorðna í tvíbýli með HÁLFU FÆÐI.



KANARÍ 21.–28. ÁGÚST

BUNGALOWS PARQUE PARAISO ★★★

VERÐ FRÁ 57.900 KR.

Verð á mann m.v. 3 fullorðna og 2 börn í smáhýsi með 2 svefnherbergjum.
Verð frá 72.900 kr. á mann m.v. 2 fullorðna.

STÓRFJÖLSKYLDUR OG VINAHÓPAR?
FÁIÐ RÁÐGJÖF OG TILBOÐ Í YKKAR HÓP FRÁ FERÐARÁÐGJÖFUM.
SENDIÐ PÓST Á HOPAR@UU.IS

NÁNAR Á URVALUTSYN.IS
OG HJÁ FERÐARÁÐGJÖFUM Í SÍMA 585 4000

ALICANTE MEÐ VITA OG ICELANDAIR SUMARIÐ 2018



Frábær flugtími

Safnaðu Vildarpunktum og nýttu þá

Allir sem ferðast með VITA safna Vildarpunktum sem má síðan nýta í valdar ferðir hjá VITA næst þegar þig langar í ferðalag.



Frábær flugtími

Við hjá VITA bjóðum frábæra flugtíma til Alicante með engu næturflugi. Flogið frá Alicante um kl. 18:00 og lent í Keflavík um miðnætti.



Pitt sæti – þitt ferðalag

Þú getur valið sæti um borð í vélum Icelandair gegn vægri greiðslu þegar þú ferðast með VITA. Við getum líka boðið þér Saga Class-sæti.



Afþreyingarefni og þjónusta

Styttu þér stundir á leiðinni með bíómyndum, tónlist, eða þættinum sem þig langaði alltaf að sjá. Gæði og úrval fyrir alla aldurshópa.



Spennandi ævintýra- og íþróttiferðir hjá Úrvali Útsýn

Úrval Útsýn býður sem endranær fjölda ævintýra- og menningarferða um allan heim í haust og vetur. Golf- og íþróttiferðirnar verða líka í fjölbreyttu úrvali svo að allir ferðapyrstir ættu að finna eitthvað við sitt hæfi. Þá skipuleggur Úrval Útsýn einnig sérferðir fyrir hópa.

Luka Kostic hefur umsjón með golf- og íþróttiferðum hjá Úrvali Útsýn. „Golfferðir til El Plantio á Spáni eru gríðarlega vinsælar og um þúsund Íslendingar sem fara árlega á þennan völl. Þar er lúxus í alla staði, allur matur innifalinn og því auðvelt að njóta sín í falletgu umhverfi. Hægt er að spila ótakmarkað golf á svæðinu á meðan á ferðinni stendur og allt án þess að taka upp veskið. Þangað förum við líka sérstakar kvennaferðir sem hafa verið gríðarlega vinsælar. Svo eru líka í boði golfferðir til Dúbaí, Ítalíu og Tailands sem eru flottir staðir og hægt að gera meira en spila golf.“

Þá býður Úrval Útsýn upp á fjölbreyttar íþróttiferðir. „Við erum með ferðir í íslenska fótboltaskóla í Hollandi og á Spáni undir nafninu Æft eins og atvinnumaður, bæði fyrir yngstu flokkana og meistaraflokkana. Við fylgjum íslenska landsliðinu eins og kostur er og bjóðum líka ferðir á leikina í ensku knattspyrnunni. Jóga- og zumbaferðir hafa líka verið mjög vinsælar og við erum að byrja með hjólaferðir.“

Þá bendir Luka á að Úrval Útsýn skipuleggi sérferðir, bæði fyrir þá sem vilja sjá eða stunda fleiri boltaíþróttir en líka þegar stórir hópar vilja fara saman eins og á Gautaborgarleikana í frjálsum íþróttum. „Við vinnum með öllum flugfélögum og höfum óendanlega möguleika til að gera hlutina. Það er bara hægt að hafa samband, við skipuleggjum hvað sem er.“

Kristín Gunnarsdóttir sér um sérferðir hjá Úrval Útsýn. „Við erum með fullt af sérferðum í haust og best að byrja í september. Þá erum við með mjög spennandi tíu daga menningarferð til Jórdaníu. Það er gíst í þrjár nætur í Amman á góðu hóteli, keyrt um grísk-rómversku borgina Jerash þar sem eru stærstu rómversku rústir sem varðveist hafa utan Ítalíu og hin stórkostlega Petra skoðuð. Einnig verður gíst í tjaldi í eyðimörkinni eina nóttina



Luka Kostic og Kristín Gunnarsdóttir hvetja fólk til að kynna sér úrval ævintýra- og íþróttiferða hjá Úrvali Útsýn. MYND/ERNIR

Við vinnum með öllum flugfélögum og höfum óendanlega möguleika til að gera hlutina. Það er bara hægt að hafa samband, við skipuleggjum hvað sem er.

og svo eyðum við síðustu dögum við Dauðahafið þar sem fólk getur slakað á eftir ferðina. Í október erum við með ferð til Kambódíu og Tailands þar sem er mikið hægt að skoða. Svo erum við með fjórtán daga Suður-Afríkuferð í byrjun nóvember þar sem verður farin „Garden Route“ sem er ein þekktasta leið í Suður-Afríku. Þetta er fjórtán daga ferð sem hefur vakið mikla ánægju og svo margt að sjá og skoða. Það er til dæmis farið á strútabúgarð, í vínsmökkun og í safarígarð og líka slappað af. Svo í byrjun nóvember er í boði ferð til Bangkok og Huahin,

bæði slökunarferð og skemmtilegar skoðunarferðir, siglt niður Kwai-fljót og sitthvað fleira.“

Af fleiri ferðum vill Kristín sérstaklega nefna ferð til Balí sem gengur út á meira en slökun og jóga. „Það er boðið upp á jóga á hótelinu eins og hver vill en svo er líka hægt að fara í alls konar ferðir eins og hjólaferð, fljótaferð og fjallaferð, hægt verður að fara á matreiðslunámskeið og sitthvað fleira svo fólk getur átt fjölbreytta upplifun í þessari paradís.“

Kristín vill líka nefna siglingarnar sem eru sívinsælar. „Þar má nefna

fljótasiglingu í Vietnam og Kambódíu þar sem er siglt upp Mekong-fljót. „Við förum svoleiðis ferð núna í janúar og fólk var rosalega ánægt. Svo bjóðum við siglingu um Miðjarðarhafið, þar er byrjað í Róm, siglt um grísku eyjarnar og endað í Aþenu og einnig siglingu um eystri hluta Karibahafs, Bahamaeyjar og Jómfrúaeysjar. Svo það er af nógu að taka og ætti að vera eitthvað við allra hæfi,“ segir Kristín að lokum.

Allar nánari upplýsingar er að finna á heimasíðunni urvalutsyn.is.

FRÉTTABLAÐIÐ.IS

Lifandi fréttamiðill með nýjustu fréttum allan sólarhringinn ásamt ítarlegri umfjöllun um málefni liðandi stundar.



FRÉTTABLAÐIÐ



FRÉTTABLAÐIÐ APP



FRÉTTABLAÐIÐ.IS



Fréttablaðið.is - stendur undir nafni



Á Bed & Breakfast hóteli er tekið vel á móti gestum og þeim gert hátt undir höfði í upphafi ferðalagsins. Á myndinni eru móttökustjórinn, Kolfinna (í miðju), ásamt Halldóri og Söndru í móttökunni.

Forskot á fríið og frítt stæði

Bed & Breakfast hótelið á Ásbrú við Keflavíkurflugvöll hefur verið íslenskum ferðalöngum til halds og trausts frá árinu 2011. Það er þekktast fyrir að bjóða ókeypis geymslu á bílum gesta á meðan ferðast er og að skutla þeim til og frá Leifsstöð. Þar er dásamlegt að hefja fríið í slökun og ró.

Við erum þekktust fyrir að bjóða ókeypis geymslu á bílum gesta okkar á meðan þeir ferðast um heiminn, og að skutla þeim til og frá Leifsstöð,“ segir Snorri Valsson hótelsstjóri. „Þetta hafa fjölmargir Íslendingar nýtt sér um árabil, ekki síst þegar þeir eiga snemmbúið flug og vilja sleppa við stressið sem fylgir því að vakna eldsnemma og keyra Reykjanesbrautina um hánótt.“

Ný heimkynni

Fyrir ári flutti hótelið rekstur sinn í stærra og endurbætt húsnæði við Keilisbraut 762. Með því varð til 130 herbergja samastaður fyrir og eftir ferðalag, fyrir innlenda sem erlenda ferðamenn. Kjarni rómaðrar þjónustu Bed & Breakfast hótels er til staðar en reksturinn hefur líka tekið töluverðum breytingum.

„Þegar ég tók að mér þetta verkefni og fór að spjalla við gestina fékk ég stundum á tilfinninguna að ég hefði ráðið mig í starf bílastæðavardar,“ upplýsir Snorri hótelsstjóri og brosir. „Fátt annað komst að hjá þeim en að ódýrara væri að leggja bílnum hjá okkur en við flugvöllinn og borga fyrir stæði þar. Því varð fljótt að markmiði mínu sem hótelsstjóra að auka fagmennsku og skapa andrúmsloft þar sem gestirnir sæju eitthvað stærra og meira þegar þeir hugsuðu til Bed & Breakfast hótelsins, þótt að sjálfsgöðu verði alltaf boðið upp á bílageymsluna góðu.“


Áreiðanlegur ferðafélagi

En þótt gestir Bed & Breakfast hótelsins einblindu í fyrstu á bílageymsluna hefur það ekki dulist neinum að nýi staðurinn býður upp á annað og meira.

„Með því að bóka sig inn á Bed & Breakfast hótelið eru ferðalangarnir í raun að taka forskot á fríið,“ útskýrir Snorri sem fær mikið af gestum að norðan, vestan



Það er huggulegt ævintýri að hefja frí og slökun á Bed & Breakfast hóteli.




Morgunverðarborðið er girnilegt og er opnað klukkan fjögur á morgnana.

og austan, en líka af höfuðborgarsvæðinu.

„Allir þessir gestir eiga sameiginlegt að velja áhyggjuleysi fram yfir stress og ódagot á brottfarardegi. Þeir koma afslappaðir til okkar, geta skráð sig inn í flugið með fyrirvara, farið í rólegheitum yfir hvort nokkuð hafi gleymst fyrir ferðalagið, og skilað bíllyklunum af sér í okkar hendur. Þá er fríið í

rauninni byrjað og gestirnir geta notið þeirrar sælu að vera komnir í frí með því að fá sér í tána á barnum okkar, snæða kvöldverð á veitingastaðnum Langbest hér við hliðina, eða bara leggja snemma í koju,“ segir Snorri á heillandi hótelinu, sem víst sparar tíma, fyrirhöfn og peninga.

Bed & Breakfast hótelið býður gestum sínum upp á vakningu í



Herbergin eru búin dásamlegum rúmum, flatskjá og nútíma þægindum.

„Okkar gestir njóta þess að vera með áreiðanlegan ferðafélaga sem hjálpar þeim af stað í fríið með töluvert minni áhyggjur í farangrinum.“

Snorri Valsson

gegnum símakerfið, morgunverður er framreiddur frá klukkan fjögur að morgni og á klukkustundar fresti fer flugvallarskutlan frá hótelinu að Leifsstöð.

„Á meðan flestir aðrir ferðalangar eru illa sofnir af tilhugsuninni um að gleyma einhverju eða lenda í slyddu á leiðinni, njóta okkar gestir þess að vera með áreiðanlegan ferðafélaga sem hjálpar þeim af stað

í fríið með töluvert minni áhyggjur í farangrinum,“ segir Snorri stoltur og er löngu hættur að hafa áhyggjur af hlutverki bílastæðavardarins.

Frábært fyrir hóp

Í vetur hefur Bed & Breakfast hótelið tekið á móti alls kyns hópum sem eru á leið á vit ævintýrana. Þar nægir að nefna árshátíðarhópa fyrirtækja á leið í sólina, íþróttafélög á leið á skíðamót og saumaklúbba í verslunarferðir.

„Það er virkilega gaman að taka á móti stórum sem litlum hópum ferðafólks sem ákveðið hefur að njóta hvíldar hjá okkur daginn fyrir flug. Það hristir hópinn vel saman fyrir ferðalagið og byrjar gamanið á jákvæðari nótum í stað þess að hittast fyrst í stressinu uppi í flugstöð. Við vonum því að fólk sjái sér áfram hag í því að bóka hjá okkur forskot á fríið,“ segir Snorri.

Bed & Breakfast hótelið er á Keilisbraut 762 á Ásbrú við Keflavíkurflugvöll. Sími 426 5000. Sjá nánar á bbhotel.is